



Inatsisartunut ilaasortaq Ruth Heilmann, Siumut
Inatsisartut
/MAANI

Napasumi aalisakkanut tunitsivik pillugu § 37-ikkut apeqquteqaat nr. 2012-204

Inatsisartut suleriaasianni § 37, imm. 1 naapertorlugu Napasumi aalisakkanut tunitsivik, tunitsiveqarnermullu tunngasut sinneri pillugit apeqquteqaatinik 5-nik saqqummiussisimavutit. Apeqquteqaatit uannut akisassanngorlugit innersuussutigineqarsimapput.

- 1. Napasumi aalisakkanut tunitsivik arnarluit suaanik tunisereernerup kingorna majip 25-nili tunisineq kingulleq pisimavoq. Maanna 14 septembariuvoq suli aalisakkanik saarullinnik tunisiffiusinnaanani-luunniit matoqqalluni. Qaqugu Napasup tunitsivia ammarneqaqqis-sava?**

Apeqquteqaatit akinnginnerini, § 37-ikkut apeqquteqaammur nr. 2012-182-imut, tunitsivimmur tassungarpiaq tunngasumut akissutigisimasara innersuussutigissavara.

Arctic Green Food A/S (AGF) ukuiup affakkaartumik nalunaarusiornermini siullermi kiffartuussinissamik isumaqatigiissut naapertorlugu ingerlanneqarsima-sumi, Napasup aalisakkanut tunitsiviani siunissami tunitsiveqarnermi suliniutis-sat makkua paasititsissutigisimavaat:

- Iluarsaatassat annikitsut arlallit iluarsissallugit amigaatigineqarmata.
- Saarullinnik qerititsinissamur tunngatillugu nillartaatitsivimmik qerititsi-vimmillu amigaateqartoqarmat.
- Aalisakkanik tarajortikkanik tunisisinnaanermur periarfissanur aningaasa-qarnikkut ajornartorsiornermik Napasumi tunitsivik eqqugaasimammur.
- AGF-ip Napasumi tunitsiviup nioqqutissanur tarajorterneqanngitsunur Maniitsumur tunniussivigisartagassatur suliniutigaa.
- Tamakku saniatigut Napasumi tunitsiviup ukioq mannamur silami panertulinissaa kissaatigaa.

§ 37 apeqqut nr. 2012-182-mur akissuteqarnermur atatillugu, ulloq 9. august ingerlatseqatigiiffiup nalunaarutigisimavaa, sila iluarsiniariarpat, saarullinnik, qaleralinnik qeeqqanillu, silami panertulisalernissamik aallartitsiniarluni. Ingerlatsivimmit paasititsissutigineqarpoq, oktobarip aallartinnerani saarullinnik silami panertitassanik tigooraanissamur aallartitsiniarlutik naatsorsuutigalugu.

28. september 2012
Suliap nr. 2012-073457
All.Upp.Nr. 1023248

Postboks 269
3900 Nuuk
Oqa. (+299) 34 50 00
Allak. (+299) 34 63 55
E-mail: apnn@nanoq.gl
www.nanoq.gl

Aalisarnermut, Piniarnermut Nunalerinermullu Naalackersuisoqarfiup ulluni qaninnerni ingerlatsivimmik ataatsimeeqateqarniarpoq. Ataatsimiinnissaq ilaatigut 2012-mi ingerlatsiviup tunitsiviani suliniutinut tunngasuusaaq.

2. Atortuutitigut tunitsiviup ajutoornera pisimanerarneqarpoq. Tunitsiviup taamatut sivistigisumik matoqqanera sumerpiaq pissuteqarpa, aammalu qaqugu ammarneqarniarpa?

Tunitsivik piffissap ilaani suliaqartarnernut matoqqatitsisarsimanermit pissutaasutut makkua tunngaviliullugit Ingerlatsiviup paasititsissutigaa. ”*Europap kujataani aningaasaqarnikkut ajornartorsiorneq ima sunniuteqarsimavoq, tassa aalisakkanik tarajortikkanik tunisineq ajornakusoorsimalluni aammalu pisisartut aningaasaqarniarnerisa tamaviaarnarnera pissutigalugu annertuallaamik anaasaqarnissamik kinguneqarsinnaalluni. Tassami nunaqarfigut taakkua ilagalugu Napasoq nioqutissiornermut pilersarusiornermi aalisakkanik tarajorteraluni nioqutissiornermut suliarineqarsimammat, taanna anaasaqaataalluni aarlerinartumik nioqutissiorneq suli atatiinnarsinnaasimanngilaput.*”

Tunitsiviup matuneqarneranut taamaasilluni aningaasaqarnermut pissutsit naapertorlugit pisimavoq, saarulliit tunineqarsinnaanerinit aamma tarajortikkanit nioqutissiornermut naleqqiullugu.

3. Napasumi aalisartut licincimut saarullinnik tunisinermut akiliuteqareeraluarlutik aalisarsinnaanatillu tunisisinnaanngillat qaammatini sisamani allaat aningaasarsiorinissaminnut periarfissaqaratik. Aalisarnissamut akiliuteqartarneq qaqugu Naalackersuisut unitsilersaarpaat?

Atuisut akiliutaat akuersissummut akiliutaasoq akuersissummik atulersitsinermit naleqqiullugu aalajangerneqartarpoq. Aalisarnissamut akuersissummut akiliut tunitsivimmu tunisisarnermut attuumassuteqanngilaq. Nammineq malugeqqusimagit, nipisat suaannik tunisinissamut periarfissaqarsimasoq, akuersissummik akiliinngikkaluarluni, aamma Maniitsumi Atammimmilu saarullinnik tunisinissamut periarfissaqarsimavoq. Naalackersuisut maannakkut atuisut akiliisarnerannut pissutsinik allannuiniarlutik pilersaaruteqanngillat.

4. Nunatsinni taamatut inissisimasut tassalu tunitsiviit matoqqasut ullumikkut qassiuppat AGF-p aammalu RG-p tunitsivii ? Taakkua matoqqaneri pillugit aalisartunit tunisiffiusinnaanngitsut eqqarsaatigaakka.

Apeqqut tunitsivinnut pigineqartunut imaluunniit aalisakkanut tunitsivimmu ingerlatsinermit isumaqatigiissutini 2012-mut kiffartuussinissamik isumaqatigiissutinut ilanngussimasunut naleqqiullugu taamaallaat akineqassaaq. Royal Greenland A/S (RG)-imit paasititsissutigineqarpoq, tassa tunitsiviit tamarmik, kiffartuussinissamik isumaqatigiissutini eqqaaneqartut ukioq aalisarfiusoq kaa-jallallugu tunitsivigineqarnissaminnut ammasarsimasut. Tassanilu tunitsiviit arfi-neq marluk, Arsummi Kangaamiunilu tunitsiviit ilanngullugit kiffartuussinissamik isumaqatigiissutini eqqaaneqarput. Taamaattorli Arsummi aamma Kangaamiuni tunitsiviit sullissinissamik isumaqatigiissummut akiliisoqartanngilaq. AGF-mut tunngatillugu maannakkut tunitsiviit pingasuinnaat tinisinissamut ammapput, naak tunitsiviit aqqaniliugaluartut, tamannalu iliuuseqarfigeqqullugu AGF ataatsimiigiaqquneqarsimavoq.

5. Taamatut inissisimasoqarnera pillugu ilaqutariit aningaasarsiorinnaanerit kingunerluuteqarpoq allaat innaallagissamut ineqarner-

mullu akiliutissanik ajornartoortoqarluni. Taamatut aalisartut inuutissarsiutiminnik periarfissaminnillu pakasagaasut immikkut ikiorsiiffiqarsinnaanerata Naalakkersuisunit ammaffiqeqarpa? aammalu qanoq iliuseqarfigineqarniarpa?

Pisortanit ikiorsiissutit pillugit tunngasunut peqqussummut maannakkut atuutumut innersuussisoqassaaq ataanilu tamatumunnga makkuninnga naatsunnguaamik nassuiaateqarpoq:

Peqqussummi matumani siunertarinqarpoq inunnut Kalaallit Nunaanniittunut allatut iliornikkut imminnut pilersorsinnaanngitsunut tamanut aningaasaqarnikkut isumannaallisaaviginninnissaq. Inuit imminnut ilaqtaminnillu pilersuisinnaanngitsut aammattaarlu aalisartunut piniartunullu piffisap ilaani immikkut ittuunik pisortanit ikiorsiissutinik piniassallutik pisariaqartitsisinnaasunut pilersuinnermut akiligassanullu aalajangersimasunut aningaasatigut ikiorserneqarnissaat peqqusutikkut aamma isumagineqassapput. Pisortanit ikiorsiissutinik ikiorsiisarneq inatsiseqarnikkut piumasaqaatit naammassiniartillugit tamatigut ataasiakkaanut nalilersuisoqartarpoq.

Innuttaasutulli allatuulli pisortanit ikiorsiissutinik ikiorneqarusuttuulli piniartut aalisartullu pisortanit ikiorsiissutinik taamaallaat pisinnaapput, allatut pisariaqartitaminnik pissarsisinnanngikkunik, tassa ima isumaqarpoq allanik ikiorsiissutinik pisinnanngikkunik imaluunniit pigisanik nalilinnik pigisaqanngikkunik imaluunniit allatut imminnut pilersorsinnanngikkunik.

Pisortanit ikiorsiissutinik isumagineqarnissamut inooqatigiinnermi pisimasunik nalaataqarsimanermik tunngaveqartariaqarpoq. Inooqatigiinnermi pisimasut ilaatigut piniartut aalisartullu piffisap ilaani inuussutissarsiutiminnik ingerlatsissallutik periarfissaqannginnerat imaluunniit annikitsuinnarmik ingerlassinnaanerata kingunerisaanik suliffeqanngikkallarsinnaallutik, taamaasillutik imminnut ilaqtaminniilluunniit pilersuisinnaanatik.

Pisortanit ikiorsiissutinik pisarnissamut piumasaqaataasoq tassa, suliffeqarnissamut periarfissat atorluarneqasimassasut. Piniartut aalisartullu suliffeqarfinnut piareersimassallutik aammalu eqeersimaartumik suliffissarsiortuussallutik. Suliffeqarfinnut piareersimasuunissamut malittarisassat pisortatigut ikiorsiissutinik tunniussisarnermi, iliussissatut pilersaarutini, piareersimasuunissani ilaalu ilanngullugit nalunaarummi naleqqussarsimapput, tassanilu piumasaqaataasoq tassa, qinnuteqartut suliffiqarsissamik tunineqarnissaq siunertaralugu suliffissarsiussiarsarfinnut (allaffik) nalunaaruteqassasut.

Aalisartut piniartutulluunniit inuussutissarsiummik ingerlatsinikkut isertitanut naleqqiullugu pisortanit ikiorsiissutit annertussusaanik naatsorsuinnermi, pilersuinnermut akiligassanullu aalajangersimasunut pisortanit ikiorsiissutit § 8, imm 1-mut, aammalu ataasiartumik aningaasartuutit § 20-mut naleqqiullugit ikiorsiissutit ilanngullugit naatsorsorneqartarput.

Aalisartut piniartullu pisortanit ikiorsiissutinik pissarsiorsinnaanerannut tunngaviusinnaasunut inissisimanermut makku assersuutigineqarsinnaapput:

- Aalisakkanik tunitsivimmik unitsitsineq tunitsivimmiluunnit ajornartorsiutit allat.
- Silarluttarnerit pissutigalugit piffissap ilaani piniarsinnaanermik aalisarsinnaanermillu akornusiinerit.
- Peqqissutsimut tunngasutigut maannakkuugallartumik akornuteqarnerit imaluunniit nappaat, ajutoorneq pissutigalugu maannakkuugallartumik atuisinnaassuseqarnikkut akornuteqalersimaneq.

Kisiannili piniartut aalisartullu pisortanit ikiorsiissutinik pisinnaatitaaneritut ikiorserniartarneri pillugit ataasiakkaanut nalilersuisarneruvoq.

Naalackersuisut pisortanit ikiorsiissutit pillugit inatsisartut peqqussutaat atuuttut innuttaasunut tamanut aalisartunut piniartunullu tunngatillugu naammattutut isigaat. Tamanna tunngavigalugu Naalackersuisut annertunerusumik suliniuteqarnissaminnut pilersaaruteqanngillat.

Inussiarnersumik inuulluaqqusillunga

Ane Hansen
Aalisarnermut, Piniarnermut Nunalerinermullu Naalackersuisoq